

Vlada Kantona Sarajevo  
Kantona Sarajevo  
Reisa Džemaludina Čauševića 1  
Sarajevo

Sindikata radnika u zdravstvu u  
Kantonu Sarajevo  
Obala Kulina bana 1  
Sarajevo

**Komisija za tumačenje  
Kolektivnog ugovora o pravima i obavezama poslodavaca i radnika  
u oblasti zdravstva za područje Kantona Sarajevo**

Broj: 17/26  
Sarajevo, 19.01.2026. godine

Na osnovu člana 72. stav (3) alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo" broj: 25/25), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, povodom zahtjeva OSO JU Dom zdravlja Kantona Sarajevo broj: 199/25 od 17.12.2025. godine kojim se traži tumačenje člana 24. i 44. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), na drugom nastavku 1. sjednice održanom 19.01.2026. godine donosi

**ODLUKU**

**Član 1.**

Utvrđuje se tumačenje odredbe člana 24. i 44. Kolektivnog ugovora u pogledu značenja termina „odjel“ i „odjeljenje“ u istim, kako slijedi:

Kolektivni ugovor ne sadrži definicije pojmova „odjel“ i „odjeljenje“, niti pravi distinkciju između navedenih pojmova. Polazeći od njihove sadržine i svrhe u okviru organizacije rada, navedeni pojmovi označavaju veće unutrašnje organizacione cjeline, odnosno organizacione jedinice u ustanovama iz člana 1. Kolektivnog ugovora. Shodno navedenom, pojmovi „odjel“ i „odjeljenje“ se imaju tumačiti kao termini identičnog značenja i sadržaja.

**Član 2.**

Ova odluka će se dostaviti podnositelju zahtjeva, svim pravnim osobama na koje se odnosi Kolektivni ugovor, ugovornim stranama Kolektivnog ugovora i, putem Zavoda zdravstvenog osiguranja Kantona Sarajevo, privatnim zdravstvenim ustanovama koje imaju status ugovorne ustanove sa Zavodom zdravstvenog osiguranja Kantona Sarajevo.

**Član 3.**

U skladu sa članom 73. stav 3. Kolektivnog ugovora, ova odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se, u skladu sa članom 73. stav (4) objaviti u Službenim novinama Kantona Sarajevo.

Odluka stupa na snagu narednog dana od dana objavljivanja u Službenim novinama Kantona Sarajevo.

Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo

Ivona Islamagić  
Nina Delalić  
Nedžad Meheljić  
Sanela Malićević  
Jasmin Avdović  
Senad Sadiković

